

Sadhbh Ní Bhruinneallaigh

Solas

Ní iarrfain de spré le Sadhbh Ní Bhruinneallaigh
Ach baile Inis Gé is cead éaló ar choiníní.
Óró, a Shadhbh, a Shadhbh Ní Bhruinneallaigh,
Comhairle do mháithrín, éalaigh is imigh liom.

Is máistir báid mhóir mé ag dul ród na Gaillimhe,
D'fhliuchfainn naoi bhfód is ní thógfainn aon fharraige.
Óró, a Shadhbh, a Shadhbh Ní Bhruinneallaigh,
A chuisle is a stóirín, éalaigh is imigh liom.

Máistir báid mhóir go deo ní ghlacfaidh mé,
Nuair a fhaigheann siad an chóir is dóigh nach bhfanann siad.
Óró, a Shadhbh, a Shadhbh Ní Bhruinneallaigh,
Comhairle do mháithrín, éalaigh is imigh liom.

Is máistir báid mhóir go deo ní ghlacfaidh mé,
Nuair a fhaigheann siad an chóir is dóigh nach bhfanann siad.
Óró, a Shadhbh, a Shadhbh Ní Bhruinneallaigh,
A chuisle is a stóirín, éalaigh is imigh liom.

Níl folach a cabhaile ar Shadhbh Ní Bhruinneallaigh
Ach sean-chóitín donn gan chabhail gan mhuinchille.
Óró, a Shadhbh, a Shadhbh Ní Bhruinneallaigh,
A chuisle is a stóirín, éalaigh is imigh liom.

Fear maith i mbád mé is togha fear iomartha,
Fear sluasaid is láí ar dha cheann an iomaire.
Óró, a Shadhbh, a Shadhbh Ní Bhruinneallaigh,
A chuisle is a stóirín, éalaigh is imigh liom.